

Industriaren egoera «jasanezina» da ELA, CCOO eta UGTren arabera

Protesta ekintzak iragarri dituzte administrazioen jarrera aldatzeko

Euskal Herriak, eta batez ere Durangaldeak industria arloan bizi duten egoera oso larria da, ELA, CCOO eta UGT sindikatuen ustez. Gainera, administrazioen jarrera utzikierazkoa da hiru sindikatuaren iritziz, eta ondorioz protesta ekintzak iragarri dituzte.

IDURRE ESKISABEL / BILBO

ELA, CCOO eta UGT sindikatuak, Industrialdeak bizi duen industri egoera larriarekin kezkatuta azaldu ziren, atzo egin zuten prentsaurrekoan. Sindikatu hauetako ordezkarien ustez, Euskal Herrian gertatzen ari den industri galera gero eta handiagoa da, eta Durangaldean neurri itzelak hartzen ditu, Juan Olaskoaga, ELAko metal arloko idazkariak azpimarratu zuenez.

Honekin batera, bai Madrileko administrazioak eta bai EAEkoak egoera honen aurrean hartutako «utzikieriazko» jarrera salatu zuten, eta berrindustrialitzea nahiz lanpostuen berreskurapena lortzeko «neurri zehatzak» hartzea beharrezkoa zela azpimarratu. Hiru sindikatu hauetako ordezkariak aipatu zuten, eskaera horiek egiteko, eta industriaren egoera zuzentzeko, protesta ekintzak egingo dituzte epe laburrean, eta



Hilaren 12rako manifestazio deialdia egin dute ELA, UGT eta CCOO sindikatuak. JOSE SIMAL ARGAKIA

hauetatik lehenegoa, hilaren 12rako, Durangon deitu duten manifestazioa izango da.

Olaskoagak emandako datuen arabera, azken hilabeteetan, 375 lanpostu galdu dira Durangaldean, eta 1.300 langile dira erregulazio motaren baten eragingo dituenak. Langabetu kopurua berriz, 6.000koa da. EAEko datuei dagokienez, erregulazio espedienteak % 35 igo dira aurtengo lehen sei hilabeteetan iazko datuekin alderatuta, eta epe berean, 191 enpresa itxi dira. Lanpostu galera berriz, 15.000koa izan da, iaz zeudenen % 6, eta gerora begira ere,

antzekoa izango da joera, Olaskoagaren ustez.

ADMINISTRAZIOEK NEURRIK HARTU EZ

Hitz gogorak izan zituzten gainera, ELA, CCOO, eta UGTko ordezkariak, Madril eta EAEko administrazioek, industriaren egoerari buruz hartutako jarrerak aztertzei gaitzetsuak. «Azken 10 urte hauetan, birmoldapenaz hitzegitean, Madrileko administrazioak etengabe aipatu du berrindustrialitzea, baina berrindustrializterik ez da egin. EAEko administrazioak berriz, oraindik ez du

inolako neurririk hartu krisian dauden enpresen laguntzeko», esan zuen ELAko metal arloko ordezkariak.

Zentzu honetan Eusko Jaurlaritzak zailtasunean dauden enpresei laguntzeko aurkeztutako 'Plan Berziaren' zirriborroak hutsune ugari dituela baieztatu zuten hiru sindikatuak ordezkariak, eta proiektu horretan sindikatuaren partehartzea beharrezkoa zela azpimarratu. «Bizi dugun egoerak, neurri zehatz eta berehalakoen beharra dauka, eta horregatik premiakoa da sindikatuok geure iritzia eman ahal izatea», adierazi Adolfo Alonso UGTkoak.

Nekazal elikaduraren kalitate eta merkataritza aztertuko da

DONOSTIA

Gasteizko Gobernuak Nekazaritza eta Arrantza Sailak, '90eko hamarkadarako EAEko Nekazal Politika Estrategia' plangintzaren barruan, nekazal elikaduraren kalitate eta merkataritza mintegia antolatuko du. Getarian (Gipuzkoa) bihar eta etzi egingo den mintegian atzerriko zazpi adituk hartuko dute parte, Euskal Autonomi Elkarte (EAE) arlo honetako erakundeetako ordezkari eta instituzio ofizialeko kideez gain, Nekazaritza Sailatik aditza eman dutenez.

Biharko ekitaldian nekazal elikagai produktu bat nazioarteko merkaturatzen sartzeko estrategia aztertuko du Ivar Schjulberge, Norvegiako Izokina Sustatzeko Kontseiluko kideak. EAEn sektorearen merkataritza estrategiaren berri emango du ondoren Iñaki Ormaza Eroski Kooperatibako ordezkariak.

KALITATEZKO LABELEK ESPERIENTZIA

Intermat Inc EEB-Betako enpresako ordezkaria den Santiago Etxebarriak sektoreko frankizia eta Estatu Batuetan dauden kontsumo eta merkataritza joerak jorratuko ditu. Era berean, Branini italiarrak produktuaren promozioa

eta Italiako esne sektorearen kasua aztertuko ditu. Frantses ordezkariak, berriz, kalitatezko labelen esperientzia eta Akitaniako Blonde kooperatibaren kasuaz arituko dira.

Plangintza estrategikoaren barruan guztira eztabaidatuko diren gainontzeko lau gai nagusietan bezala, nekazal elikaduraren kalitate eta merkataritza mintegian ere, EAEko zenbait adituk osatutako lan taldeek kalitate eta marketingean oinarritutako Nekazal Elikadura Politikaren diseinua eztabaidatuko dute.

Bost lan talde hauek mintegi ezberdinetan egindako planteamenduetan oinarrituko da 90eko hamarkadarako Nekazal Politikaren eztabaida.

Datozen egunotan beste bi mintegi egingo dira, Berrikuntza Teknologikoa eta Ikerkuntzari buruzkoa lehena eta Ingurugiroaren gaiaren inguruko bigarrena. Bi hauek, bihar hasiko denekin eta pasa diren maiatza eta ekainean egin ziren Nekazal Errententzako Laguntza Zuzenak eta Nekazal Garapena aztertu zituzten biekin batera, plangintza estrategikoaren oinarria izango diren bost gaiak osatzen dituzte.

Euskal gizarteko hainbat ordezkari mintegi hauetan ateratako ondorioak eztabaidatuko dituzte.

ERREAGAIEN PREZIOAK

Irailak 9

Eguno prezio erreala	Gehienezkoa
89 (=) Gasolina superra	90,8 (-0,1)
86,5 (=) Berun gabekoa	88,6 (=)
85 (=) Arrunta	87,4 (-0,1)
69,2 (+0,5) A eta B gasolioak	69,70 (+0,6)
42,7 (+0,6) C gasolioak	43,5 (+0,6)

* Salneurriak pezetatan

Gasolinen prezioak mantendu eta gasolioenak igo dira

MADRIL

Gasolinen prezioak beren horretan uztea eta gasolioenak 0,5 eta 0,6 pezeta bitartean igotzea erabaki zuen atzo Campsa konpainiak. Prezio berriak datorren 23ra arte izango dira indarrean Estatu espainiarrean.

Horrela, gasolina super litroa 89 pezetan mantentzen da, normala 85etan eta berun gabekoa 86,5 pezeta kostatzen jarraituko du.

A eta B gasolioen prezio berria 69,2 pezetakoa da eta C motakoa, berriz, 42,7 pezeta balioko du gasolindegietan. Baimendutako gehienezko prezioei dagokienez, gasolina superrarena 90,8 pezetakoa izango da, normalarena 87,4koa eta berun gabekoa 88,6 pezeta balioko du gehienez.

CCOOK Lan Osasun eta Ingurugiro Institutua sor dezake

MADRIL

CCOOK datorren abenduan egingo duen kongresuan lan osasun eta ingurugiro sindikal institutua eratzea eztabaidatuko du. Institutu honek autonomoki egingo luke lan eta arlo tekniko eta zientifikoak landuko litzuke.

Neurri honen helburua, CCOOKo iturrien arabera, sindikatuak Espainia eta nazioarte mailan jasotzen dituen osasun, lan segurantzaren eta ingurugiro arloko eskariei erantzutea litzateke.

ARRISKUEN AURRIKUPENA BULTZATU

Lan eta ingurugiro arloetan segurantzaren eta higiena bultzatzeko CCOO sindikatuak jarraituko duen estrategia, proiektuen sorreran arriskuen aurrikuspenean oinarrituko da. Hau lortzeko enpresetako departamendu guztietako koordinazioa ezinbestekotzat jotzen du sindikatuak.

Era berean, prebentzio heziketa profesionalen birziklaia ikastaroetan sartzeko proposatuko du CCOOK.

Lan istripuak ekiditzeko CCOOK proposatuko duen beste neurri batek moldatze epean ezarketa jasotzen du. Neurri honen arabera, lanpostu berri batean hasi aurretik, langileak esperientziadun baten ondoan egingo du lan epe zehatz batez.

Moneta unitatea atzeratuko lukeen proposamena eztabaidagai

BRUSSELE

Europako moneta batasuna eta banku zentral bakarraren eraketa atzeratuko litzukeen proposamena eztabaidatu zuten atzokoan Europako Komunitateko (EK) Hazienda eta Ekonomia ministroek Brussele.

Holanda egindako proposamenak jasotzen duenez, 1994eko urtarrilaren 1ean hasiko den Ekonomia eta Moneta Batasunerako (EMB) bigarren fasean Moneta Institutua eratuko litzateke. Horrek gaur egungo EK-ko banku zentralerako Gobernadore Batzordearen lana beteko luke.

Iturri komunitarioen arabera, institutu horrek banku zentralen arteko elkarlan eta koordinazioa eta EMBaren funtzionamendua zaindiko litzuke batetik, eta ekuaren erabilera arduratuko litzateke bestetik.

Era berean, bigarren fase honetan EK-ko ekonomiek duten inflazio, defizit publiko eta interes tipoak jaitsi beharko litzukete, hirugarren fasean sartu aurretik. Azken fase horretan banku eta moneta bakarra egongo lirateke EK-n. Fase hori, gutxienez EK-ko

sei estatuk baldintza egokiak lortzean hasiko litzateke.

Finantza arduraduna den Henning Christophersen komisario europarra proposamen horren aurka agertu zen, «Erromako Europako Kontseiluan erabakitakotik aldentzen bait da». Erabaki horien arabera bankua bigarren fasean eratuko litzateke. Holandaren proposamena atzera pausoa da Luxenburgen jaso izan diren beste proposamen batzuekin alderatuz. Banku Zentral Bakarra 1996aren urtarrilaren 1etik martxan hasia proposatu zen.

Fernandez Ordoñezek esanetan «proposamen horren bidez Europako herrialde desberdinetan denbora desberdinetan emango litzateke moneta batasuna». Estatu espainiarren posizioa Grezia, Portugal eta Italiakoarena baino hobea izanik ere, proposamena aurrera aterako balitz interes tipoak eta inflazioa jaitsi egin beharko litzuke. Bere moneta politika aurrera eramaterako orduan ere ezingo luke askatasun osoz jokatu, pezetaren balioa gainontzeko monetekin alderatuz ezingo bait litzateke % 2,5 baino gehiago aldatu.